

- [Till innehåll](#)
- [Till navigationen](#)
- [Teckenspråk](#)
- [Other languages](#)
- [Kontakta oss](#)
- [Logga in](#)

Search

Search

- [Privat](#)
- [Företag](#)
- [Föreningar](#)
- [Offentliga aktörer](#)
- [Om oss](#)

[Logga in](#)

[Sök](#)

Sök

Sök

Meny

[Privat](#)

[Företag](#)

[Föreningar](#)

[Offentliga aktörer](#)

[Om oss](#)

[Other languages](#)

[In English \(Engelska\)](#)

[🇸🇩 \(Arabiska\)](#)

[Bosanski, hrvatski, srpski \(Bosniska, kroatiska, serbiska\)](#)

[Davvisámegiella, Julevsámegiella, Áarjelsaemien \(Samiska\)](#)

[Auf Deutsch \(Tyska\)](#)

[En español \(Spanska\)](#)

[Eesti \(Estniska\)](#)

[En Français \(Franska\)](#)

[🇮🇱 \(Jiddisch\)](#)

[Meänkieli \(Vårt språk\)](#)

[Teklareerata ja maksaa veroja](#)

[Meän toiminta](#)

[Tulodeklarasiuuni 1](#)

[🇮🇷 \(Persiska\)](#)

[Po polsku \(Polska\)](#)

[Romanés \(Romani\)](#)

[🇷🇺 \(Ryska\)](#)

[Soomaali \(Somaliska\)](#)

[🇸🇩 \(Sorani\)](#)

[Suomeksi \(Finska\)](#)

[Türkçe \(Turkiska\)](#)

[🇺🇦 \(Ukrainska\)](#)

[🇲🇵 \(Tigrinska\)](#)

[🇦🇫 \(Dari\)](#)

[Teckenspråk](#)

[Meänkieli \(Vårt språk\)](#)

Other languages

- [Teklareerata ja maksaa veroja](#)

- [Meän toiminta](#)
- [Tulodeklarasjuuni 1](#)
- [Other languages](#)
- » [Meänkieli \(Vårt språk\)](#)
- » Teklareerata ja maksaa veroja

## [Language](#)

- [Arabic \(■ ■ ■ ■ ■ ■ ■ ■\)](#)
- [Sorani](#)
- [English](#)
- [Persian \(Farsi\)](#)
- [Finnish \(Suomi\)](#)
- [French \(Français\)](#)
- [Polish \(Polski\)](#)
- [Dari \(■ ■ ■ ■\)](#)
- [Balkan Romani \(Romani arli\)](#)
- [Vlax Romani \(Romani kalderaš\)](#)
- [Romany \(Romani ■ hib\)](#)
- [Russian \(■ ■ ■ ■ ■ ■ ■ ■\)](#)
- [Northern Sami \(Davvisámeigiella\)](#)
- [Southern Sami \(Åarjelsaemien\)](#)
- [Somali](#)
- [Swedish \(Svenska\)](#)
- [Tigrinya \(■ ■ ■ ■\)](#)

- [Turkish \(Türkçe\)](#)
- [Ukrainian \(українська\)](#)
- [Yiddish \(יידיש\)](#)

## Teklareerata ja maksaa veroja

Täällä sie saatat lukea tähelisiimat teklareeramisesta ja veron maksamisesta.

Ko sie saat sisäletulon yli vissin tason sie piät maksaa veron. Se oon se joka maksaa sisäletulon sulle joka pittää maksaa sisäle veron Verotoimistolle. Vero pittää siis olla jo piätetty ko sie saat sisäletulon. Sulla oon oikeus saaja tilispesifikasuunin elikkä vastaavan joka kerta ko sie saat sisäletulon. Spesifikasuuni näyttää kunka paljon veroa ulosmaksaja oon vetäny.

Kerran vuessa sie piät jättää sisäletuloteklarasuunin Verotoimisthoon ette vero tullee olheen aivan oikein. Sitä kuttuthaan ette sie teklareeraat. Teklarasuuni jällaa sitä sisäletuloa mitä sie sait vuotta ennen ko sie teklareeraat.

Ko sie olet teklareeranu Verotoimisto räknää ulos jos sinun vero oon tullu oikein. Viimisthääns joulukuussa sinä vuona ko sie teklareeraat sie saat preivin Verotoimistolta, "loppuveroilmotus". Siinä seisoo jos sie piät maksaa lissää veroja (rästiveroja) elikkä jos sie saat takashiin veroja (tulovero)

## Kukas pittää teklareerata?

Sie piät aina teklareerata jos sulle oon lähätetty teklarasuuni. Teklarasuuni tullee postin matkassa elikkä sinun tikitaahliin preiviloohvaan, jos sulla oon semmonen (Billo, Kivra elikkä Min myndighetspost).

## Vississä taphauksissa sie piät teklareerata vaikka sie et ole saanu teklarasuunia

Jos sie et ole saanu teklarasuunia sie piät kuitenkin teklareerata jos sie saatat vastata joo johonki seuraahviin sanohmiin:

- Sie asuit Ruottissa koko 2023 ja sinun sisäletulo oli korkeampi ko 22 207 kruunua ko sie esimerkiksi sait palkan, sulla oli oma yritys elikkä sie sait vanheempainrahan.
- Sie asuit Ruottissa osan vuesta 2023 ja sinun sisäletulo oli korkeampi ko 100 kruunua Ruottissa ko sie esimerkiksi sait palkan, sulla oli oma yritys elikkä sie sait vanheempainrahan.
- Sulla oli kapitaalisäletulo Ruottissa joka oli 200 kruunua elikkä enämpi vuen 2023 aikana. Kapitaalisäletulo saattaa esimerkiksi olla rännty säästämisestä elikkä voitto aksie-elikkä muista arvopaperimyynistä. Se saattaa kansa olla voitto asuntomyynistä elikkä asunon uloshyrräämisestä.
- Sulla oli sisäletuloja pienyrityksestä vuen 2023 aikana. Se saattaa esimerkiksi olla ulosjako, etuja elikkä muuta korvausta. Pienyritys oon aktiseyritys jossako korkeinthaans neljä henkilöä yhdessä omistavat enämpi ko puolet aksieista.

- Sie omistit fastiheetin, elikkä osan fastiheetistä, 1 tammikuuta 2023. Fastiheetti oon esimerkiksi talo, vapa-aikatalo likkâ tontti.
- Sie olet saanu preivin Verotoimistolta ("kâskyn") ette sie piät jättää teklarasuunin. Kâskyn sie saat postin kautta elikkâ sinun tikitaahliin preiviloohvaan.

Sie saatat tarvita teklareerata vaikka sulla oon sisäletuloja muusta maasta ko Ruottista. Sivula Deklarera inkomster från utlandet, sie löyät tetaljeerattua informasuunia siitä.

- [Teklareerata sisäletuloja ulkomailta \(ruottiksi\)](#)

Sie joka olet asunu ulkomaila koko vuen saatat vississä taphauksissa tarttea teklareerata Ruottissa.

- [Oleks siirtyny Ruottista? \(ruottiksi\)](#)

## Mitäs teklarasuunissa pittää olla matkassa?

Nämät oon esimerkkiä sisäletuloista jotka pitävät olla matkassa teklarasuunissa:

- tili ja muu korvaus jotako sie saat työn yhteydessä
- pansuuni
- vanheempainraha ja tilapäinen vanheempainraha
- ränttyjä säästämisestä esimerkiksi pankossa

Nämät oon esimerkkiä sisäletuloista jotka ei piä olla matkassa teklarasuunissa:

- etapleerinkikorvaus, etapleerinkilisä ja asuntolisä
- elatustuki
- paarnpiitraaki, asuntoavustus ja asuntolisä
- opintoraha CSN:istä

## Koskas sie piät teklareerata?

Sie piät jättää sisäle sinun sisäletuloteklarasuunin Verotoimisthoon viimisthääns 2 toukokuuta.

Jos sie teklareeraat 3 huhtikuusie saatat saaja sinun maholisen tuloveron jo huhtikuun alussa. Mutta silloin sie tarttet teklareerata e-palvelun, sms:in, Verotoimiston apin kautta elikkä soittamalla. Sie et saa tehä mithään muutoksia. Ette esimerkiksi jättää liitteen räknäthään muutokseksi.

Jos sie teklareeraat jälkhiin 3 huhtikuu sie saat rahat jälemin vuen aikana.

- [Saaja takashiin veroja – tulovero](#)

## **Jos sie tarttet enämpi aikaa ette teklareerata**

Jos sie tarttet enämpi aikaa ette teklareerata sie saatat hakea lykkäystä. Silloin sie saat teklareerata viimisthääns 16 toukokuuta sen siihaan. Met tarttema saaja sisäle sinun lykkäyshakemuksen viimisthääns 2 toukokuuta.

Sie saatat hakea lykkäystä jollaki seuraavalla laila:

- Lokkaamalla sisäle verotoimisthoon osotheela: skatteverket.se, jos sulla oon e-lekitimasuuni
- soittamalla Verotiethiin, 0771 567 567 (muusta maasta +46 8 564 851 60)
- käymälä palvelukontturissa.

## **Kunkas sie täytät teklarasuunin?**

Se joka maksaa ulos sinun sisäletulot oon usseimiten ilmottannu Verotoimisthoon mitä sie olet tienanu vuen aikana. Sen takia Verotoimisto oon jo täyttäny sisäle rahamäärän siinä teklarasuunissa jonka met lähätämmä sulle. Rahamäärä jonka sie näet teklarasuunissa oon sinun pryttutulo, siis sinun sisäletulo ennen veronaavtraakia.

## **Jos kaikki oon oikein**

Jos se mitä teklarasuunissa seisoo oon oikein sie et tartte ko kirjottaa alle ja jättää sisäle teklarasuunin. Lue lissää täältä: Kunkas sie lähätät sisäle teklarasuunin./Hur skickar du in deklarationen?

- [Kunkas sie lähätät sisäle teklarasuunin?](#)

## **Jos sie tarttet muuttaa elikkä lisätä jotaki**

Joskus sie tarttet muuttaa elikkä lisätä jotaki teklarasuuhniin. Se saattaa esimerkiksi riippua siitä ette sinun työnantaja oon jättäny väärät tiot Verotoimistolle elikkä ette sie olet myyny asunon elikkä arvopaperia.

Jos sie meinaat muuttaa elikkä lisätä jotaki sie tarttet teklareerata e-palvelussa Sisäletuloteklarasuuni 1 elikkä paperiteklarasuunila. Sulla pittää olla ruottalainen e-lekitimasuuni jos sie muutat teklarasuunia e-palvelussa. Yks poikkeus oon aavtraaki reisuista töihin ja sieltä pois, jotako sie saatat tehä e-palvelussa kootlaki. Lue lissää: Kunkas sie lähätät sisäle teklarasuunin.

- [Kunkas sie lähätät sisäle teklarasuunin?](#)

### **Oleks saanu oikean perusaavtraakin?**

Ko sie asut ja olet töissä Ruottissa sulla oon usseimiten oikeus perusaavtraakhiin. Perusaavtraaki oon aavtraaki jonka Verotoimisto tekkee sinun sisäletuloista tilistä, maksoista elikkä vastaavista ennen ko met räknäämä ulos sinun veron. Sen takia aavtraaki usseimiten takottaa ette sie tarttet maksaa vähempi veroa. Jos sulla oon yksityinen yritys perusaavtraakia räknäthään kansa toiminan sisäletuloista.

Siittä vuestä lähtien ko sie täytät 67 perusaavtraaki oon korkeampi.

Tämän näköset säänot oon perusaavtraakille:

- Jos sie olet asunu ja sulla oon ollu sisäletulo Ruottissa koko vuen aikana sulla oon oikeus perusaavtraakhiin koko vuele.
- Jos sue olet asunu ulkomaila osan vuesta mutta teklareeranu vähhiinthääns 90 prosenttia
- Jos sis olet asunu ja jos sulla oon ollu sisäletulo Ruottissa osan vuesta sulla oon oikeus perusaavtraakhiin niistä kuukauksista ko sie olet asunu täälä.

Verotoimisto oon usseimiten tehny perusaavtraakin sinun teklarasuunissa ko sie saat sen. Jos met emmä ole tehneet siä, elikkä jos sie tykkää ette perusaavtraaki oon liika matala, sie tarttet itte kirjottaa tähhään: Övriga upplysningar/Muita tietoja, kunka monta kuukautta sie olet ollu töissä Ruottissa menny vuona ja ette sie halvaat perusaavtraakin sille aijale.

- [Perusaavtraaki \(ruottiksi\)](#)

### **Onkos sulla ollu kostanuksia joistako sie saatat saaja aavtraakia?**

Jos sulla oon ollu kostanuksia ette saattaa olla töissä, sie saatat vississä taphauksissa tehä aavtraakia niistä sinun teklarasuunissa. Aavtraaki tekkee ette vero laskee. Sie saatat esimerkiksi saaja aavtraakia ko:

- sie tarttet reisata pitkhään töihin ja sieltä pois
- sie asut muussa paikassa ko missä sinun pere assuu sen takia ko sie olet töissä sielä.

- [Aavtraaki privattihenkilöile \(englantinkielelä\)](#)

## Onkos sulla yksityinen yritys?

Jos sulla oon yksityinen yritys sie piät kansa täyttää semmosen niin sanotun elinkeinoplanketin (NE-liitteen). Sen sie jätät yhdessä sinun teklarasuunin kansa. Elinkeinoliitteesheen sie täytät sisäle tietoja sinun yrityksen toiminasta. Elinkeinoliitteen nimi oon SKV 2161 ja sie saatat kirjottaa ulos sen osotheelta: skatteverket.se elikkä tilata sen soittamalla Verotiethoon numerolla 0771 567 567.

Oon olemassa opas kunka sie täytät teklarasuunin. Opas oon ruottiksi ja englantinkielelä.

- [Kunka sie täytät NE.liitteen \(ruottiksi\)](#)
- [Kunka sie täytät NE.liitteen \(englantinkielelä\)](#)

## Kunkas sie lähätät sisäle teklarasuunin?

Sie saatat lähättää sisäle teklarasuunin jollaki seuraavista tavoista:

- apissa Verotoimisto
- sms:aamalla
- soittamalla
- e-palvelun kautta Sisäletuloteklarasuuni 1/Inkomstdeklaration 1

lähättämällä sisäle paperiteklarasuunin.

Teksti apissa, sms-palvelussa, e-palvelussa ja teklarasuunissa oon ruottiksi. Jos sie teklareeraat soittamalla sie saatat saaja informasuunin tuottiksi elikkä englantinkielelä.

## Kootit sisäletuloteklarasuunissa

Teklarasuunissa jonka sie olet saanu, oon usseimiten kootia. Sie saatat käyttää kootia ette teklareerata.

Jos sie et ole saanu kootia se riippuu usseimiten siitä ette sie tarttet muutta jotaki teklarasuunissa.

Jos sie olet menettäny kootit sie et valitettavasti saa uusia. Se jällaa kansa jos kootit oon heittäneet toimimasta sillä ko jotaki oon muutettu sinun teklarasuunissa jälkhiin ko Verotoimisto täytti sen.

Jos sulla ei ole kootia sie saatat sen siihaan teklareerata e-palvelussa, jos sulla oon e-lekitimasuuni. Muuten sie saatat teklareerata paperiteklarasuuhniin.

## Apissa

Sie saatat teklareerata apissa jos kaikki nämät sopivat sulle:

- Sulla oon e-lekitimasuuni elikkä sie olet saanu teklarasuunin jossako oon kootia.
- Sie piät vain hyväksyä teklarasuunin *elikkä* vain hyväksyä teklarasuunin ja tehä aavtraakia reisuista töihin ja sieltä pois.

Näin sie teklareeraat apissa:

1. Laajaa alle appi Skatteverket
2. Lokkaa sisäle e-lekitimasuunila elikkä tunnustuskootila jonka sie löytät spesifikasuunissa sinun teklarasuuhniin. Kirjota kansa sinun henkilönnumero elikkä vastaava.
3. Tarkasta ette tiot teklarasuunissa oon oikeita ja tehe reisuaavtraaki jos sulla oon oikeus siiheen.
4. Hyväksy teklarasuuni sinun e-lekitimasuunila elikkä allekirjotuskootila jonka sie löytät teklarasuunissa. Sie saat varsin kuitin ette sie olet teklareeranu. Kuitti näyttää ette sinun teklarasuuni oon tullu sisäle Verotoimisthoon.

## Sms:illä

Sie saatat teklareerata sms:illä jos kaikki seuraavat oon oikein sulle:

- Sie olet saanu teklarasuunin kootitten kansa
- Sie piät vain hyväksyä teklarasuunin.
- Sulla oon ruottalainen mupiliapunemangi.

Näin sie teklareeraat sms:illä

1. Ota näköselte teklarasuuni ja tarkasta ette tiot oon oikein.



2. Hae sinun henkilökohtaset kootit.

3. Ota framile kooti allekirjotukselle. Sms:aa sinun henkilönnumero elikkä vastaava ja kooti allekirjotukselle numehroon 71144. Älä käytä mithään maankootia ennen 71144, vaikka sie olet muussa maassa ko Ruottissa. Älä unhouta välilyöntiä henkilönnumeron ja kootin välissä allekirjotukselle. Esimerkiksi: VVKKPPNNNN 99999999.

4. Oota sitä sms:iä jonka sie saat takashiin. Sms:i toistaa ette sie olet teklareeranu. Se saattaa viipyä kymmentheen minuthiin ennen ko sie saat sen.

5. Säästä sms-toistus.

Jos kooti allekirjottamiselle ei toimi se johtuu siitä ette jotaki sinun teklarasuunissa oon muutettu jälkhiin ko se lähätethiin sulle. Silloin sie tarttet teklareerata e-lekitimasuunila e-palvelussa InkomstteklARATION 1/Sisäletuloteklarasuuni 1) elikkä paperiteklarasuunila.

## Soittamalla

Sie saatat teklareerata soittamalla jos sie olet saanu teklarasuunin kootila jos sie meinaat vain hyväksyä teklarasuunin. Näin sie teklareeraat soittamalla:

1. Ota näköselä sinun teklarasuuni ja tarkasta ette kaikki tiot oon oikein.

2. Hae sinun henkilökohtaset kootit. Net oon teklarasuunin spesifikasuunissa.

3. Soita 020-567 100 (+ 46 8 764 92 40 jos sie soitat muusta maasta ko Ruottista). Seuraa sisälepelatuita ohjeita. Sie saatat saaja ohjeet englantinkielelä elikkä ruottiksi. Oota siiheen asti ette sie kuulet ette ilmotus luethaan ylös telefoonissa. Ilmotus toistaa ette sinun teklarasuuni oon tullu sisäle. Ilmotus säästethään, niin sie saatat soittaa ja kuula sen uuesti jos sie halvaat.

## E-palvelun kautta

Jos sulla oon ruottalainen e-lekitimasuuni sie saatat tehä kaikkia jollako oon teklarasuunin kansa tekemistä e-palvelussa InkomstdeklARATION 1.

Jos sulla ei ole ruottalaista e-lekitimasuunia, mutta olet saanu teklarasuunin kootitten kansa, sie saatat lokata sisäle palvelhuun kootila jokka sie löytä teklarasuunin spesifikasuunissa.

Sielä sie saatat hyväksyä teklarasuunin ja tehä maholisia reisuaavtraakia, mutta ei muita muutoksia.

Näin sie teklareeraat e-palvelussa:

1.Lokkaa sisäle e-lekitimasuunila elikkä itentifieerinkikootila jokka sie löytä sinun teklarasuunin spesifikasuunissa. Sie tarttet kansa kirjottaa sinun henkilönnumeron elikkä vastaavan. E-palvelu oon ruottiksi.

## [Inkomstdeklaration 1](#)

- [E-legitimation](#)
- [Säkerhetskod](#)

07-03

2. Tarkasta tiot teklarasuunissa ja tehe ne muutokset mitä tarttee. Jos sie olet lokanu sisäle kootila sie saatat tehä aavtraakia reisuista töihiin ja sieltä pois, mutta ei muita muutoksia.

3. Hyväksy teklarasuuni sinun e-lekitimasuunila elikkä kootila allekirjotukselle jonka sie löytät teklarasuunin spesifikasuunissa. Sie saat varsin kuitin joka näyttää ette sinun teklarasuuni oon tullu Verotoimisthoon.

### **Paperiteklarasuunissa**

Jos sie piät teklareerata sie olet usseimiten saanu täytetyn teklarasuunin lähätetyksi sulle paperille elikkä tikitaalin preiviloovan kautta, jos sulla oon semmonen. Jos sie et ole saanu teklarasuunia, mutta tiät ette sie piät teklareerata, sie saatat soittaa Verotiethoon elikkä mennä palvelukontturhiin ette sie saat paperiteklarasuunin.

Näin sie teklareeraat paperiteklarasuuhniin:

1. Tarkasta tietoja teklarasuunissa.
2. Jos sie tarttet muuttaa mithään: tehe se kirjottamalla sisäle uusi totalisumma valkehaan ruuthoon siinä rivilä jotako sie halvaat muuttaa.
3. Kirjota alle teklarasuuni.
4. Pane friimerkki kuerthiin ja lähätä teklarasuuni Verotoimisthoon  
Skatteverket  
Inläsningscentralen  
Inkomstdeklaration 1  
FE 8000  
107 75 Stockholm

### **Jos joku muu tarttee teklareerata sulle**

Sie saatat antaa jonku muun teklareerata sulle jos sie tiät ette sulla tullee olheen hankala tehä sitä itte. Silloin sie piät hakea Verotoimiston tykönä ette henkilöstä tullee sinun teklarasuuniasiahenkilö.

Hae viimisthääns kuukautta ennen ko sie piät teklareerata. Sie saatat hakea Verotoimiston e-palvelussa Ombud och behörigheter/Asiahenkilö ja pätevyyksiä elikkä planketin kautta. Planketti oon englantinkielelä ja ruottiksi. E-palvelu ei ole ko ruottiksi.

Ko Verotoimisto on hyväksynyt sinun teklarasuuniasiahenkilön se henkilö tulee jatkamaan olheen sitä, Verotoimiston rekisterissä, siihen saakka ette sie ilmoita Verotoimistoon ette henkilö ei enää piä olla asiahenkilö.

- [Hakea teklarasuuniasiahenkilöstä \(SKV 4809\) \(ruottiksi\)](#)
- [Hakea teklarasuuniasiahenkilöstä \(SKV 4809\) \(englantinkielelää\)](#)

## Saaja takashiin veroja- tulovero

Jonku aikaa jälkhiin ko sie olet teklareeranu sie saat sinun loppuveroilmotuksen. Siinä seisoo jos sie saat takashiin veroja, niin sanottu ulovero. Tulovero saattaa esimerkiksi riippua siitä ette se joltako sue saat sisäletulon on vetäny liika paljon veroa.

Loppuveroilmotuksessa seisoo kansa kunka paljon sie piät saaja takashiin.

## Kunkas ja koskas sie saat sinun tuloveron?

Ette saaja sinun tuloveron sie tarttet ilmoittaa Verotoimistolle sinun pankkokonttonumeron. Jos sulla ei ole pankkokonttua sie saatat soittaa Verotiethoon telefonilla 0771 567 567 eliikkä mennä palvelukontturhiin.

Jos sie ilmoitat konttonumeron viimithääns ko sie jätät sinun sisäletuloteklarasuunin sie saat auttomaattisesti rahat konthuun. Jos sie ilmoitat konttonumeron jälemin sie piät itte vaatia rahat sisälepanstuksi konthuun. Sen sie tehet soittamalla Verotiethoon 0771 567 567 eliikkä ette sie käyt palvelukontturissa.

## Ilmota konttonumero ruottalaisessa pankossa

Jos sulla on ruottalainen e-lekitimasuuni sie saatat ilmoittaa sinun konttonumeron Verotoimistoon samala ko sie teklareeraat e-palvelussa Inkomstdeklaration 1/Sisäletuloteklarasuuni 1 eliikkä Verotoimiston apissa. Sie saatat kansa ilmoittaa kontun e-palvelussa Skattekonto/Verokonttu.

Jos sulla ei ole ruottalaista e-lekitimasuunia sie saatat ilmoittaa konttonumeron Verotoimistoon. Sie saatat tehdä sen jollaki näilä alla olevista tavoista:

- [pankkojiirun kautta External link.](#)  
eliikkä
- [täyttämällä plankettia Skatteåterbäring till bankkonto \(SKV 4802\) \(ruottiksi\)](#)

## Ilmota konttonumero ulkomaanlaisessa pankossa

Jos sulla ei ole ruottalaista konttunumeroa sie saatat saaja sinun tuloveron ulkomaanlaisheen pankkokonthuun.

Näin sie ilmoitat Verotoimisthoon ulkomaanlaisen konttunumeron:

1. Kirjota preivi ette sie halvaat ilmottaa ulkomaanlaisen pankkokontun Verotoimisthoon. Preivi pitää sisältäänämät tiot:

- Sinun nimi, sinun ruottalainen henkilönumero elikkä yhteensovitusnumero ja kontaktitiot jossako Verotoimisto saattaa saaja sinun kansa yhteyttä.
- IBAN ja BIC ulkomaanlaisele pankkokontule.
- Sinun allekirjotus ja sinun nimiselvitys.

Laita alkuperäsen toistuksen ulkomaanlaiselta pankolta. Toistus ei saa olla vanheempi ko kuus kuukautta ja siinä pitää olla:

- Taatumi ko toistus kirjetethiin.
- Sinun nimi ja sinun ruottalainen henkilönumero elikkä yhteensovitusnumero.
- Sinun osote ja sinun telefooninnumero.
- IBAN ja BIC sinun pankkokontule.
- Allekirjotus ja nimiselvitys pankon yheltä työntekiältä.
- 

3. Lähätä preivi sinun tioitten ja toistuksen kansa:

Skatteverket  
205 30 Malmö

Verotoimisto käyttää konttunumeroa niin kauon ette sie olet ilmottannu meile jotaki muuta.

## **Maksaa lissää veroa – rästivero**

Jonku aikaa jälkhiin ko sie olet teklareeranu sie saat sinun loppuveroilmotuksen. Siinä seisoo jos sie tarttet maksaa lissää veroja, niin sanottua rästiveroa. Rästivero saattaa riippua siitä ette se joltako sie saat sisäletulon oon maksanu liika vähän veroa Verotoimisthoon.

Loppuverotiossa seisoo kansa kunka paljon sie piät maksaa ja koska Verotoimisto viimisthääns tarttee saaja rahat.

## Koskas sie piät maksaa?

Sie piät maksaa 90 päivän sisäle siitä ko sie olet saanu sinun loppuveroilmotuksen. Taatumi ko rahat viimisthääns pitävät olla Verotoimiston kontussa seisoo loppuveroilmotuksessa, mutta sie saatat maksaa sinun rästiveron ko sie olet saanu sinub teklarasuunin.

## Räntty

- [Residual tax \(englantinkielelä\)](#)
- [Betala kvars katt \(ruottiksi\)](#)

## Kunkas sie piät maksaa?

Sie maksat pankkojiirun kautta pankkojiirunumehroon 5050-1055. Sie saatat kansa maksaa Swish:in kautta mutta silloin sie piät lokata sisäle osotheele: skatteverket.se ruottalaisela e-lekitimasuunila ja seurata instryksuunia. Instryksuunit oon vain ruottiksi.

Sie piät maksaa ruottin kruunuila. Älä unhouta tarkastaa aktyelliä valyttakursia.

## Maksaa internettipankossa pankkojiirun kautta

Sie saatat maksaa sinun internettipankossa pankkojiirun kautta. Silloin sie täytät sisäle summan mitä sie piät maksaa ja sinun OCR-numeron (referensinumero). OCR-numero seisoo loppuveroilmotuksessa ja sinun sisäletuloteklarasuunissa.

Sie saatat kansa ottaa selvää sinun OCR-numeron Verotoimiston palvelussa, joka ei ole ko ruottiksi. Kirjota henkilönumero elikkä vastaava ruuthuun Person- eller organisationsnummer. Klikkaa sitten ruuthuun Beräkna.

- [Verotoimiston palvelu ette ottaa selvää OCR-numeron \(ruottiksi\)](#)

## Maksaa pankkojiirun kautta sisälemaksokuitila

Jos sie maksat pankkojiirun kautta jo täytetyllä sisälemaksokortila sie et tartte ko täyttää summan. Sie saatat tilata täytettyjä sisälemaksokorttia soittamalla Verotiethoon elikkä mennä yhteen palvelukontturhiin.

Muista ette se ottaa jonku pankkopäivän ennen ko rahat tulevat perile Verotoimisthoon.

## Maksaa ulkomaanlaisesta pankosta

Ette maksaa ulkomaanlaisesta pankosta toimii samhaan lahiin ko ette maksaa ruottalaisesta pankosta. Silloin sie tarttet täyttää sisäle nämät tiot:

- IBAN-numero: SE56 8000 0890 1196 4624 0516
- BIC-/Swiftkooti: SWEDSESS
- Pankko: Swedbank AB, SE-105 34 Stockholm
- Maksovasthaanottaja Skatteverket, SE-831 87 Östersund
- Sinun henkilönumero elikkä OCR-numero

## Yks filmi siittä kunka sie jätät sisäle sinun sisäletuloteklarasuunin

### Filmi teklarasuunista

Filmi näyttää kunka sie jätät sisäle sinun sisäletuloteklarasuunin. Se oon tekstattu monela kielelä. Paina CC filmissä ette näyttää alatekstiä.

## Täälä sie saatat lukea mitä filmissä sanothaan

Ko sie maksat veroja sie eesautat tekheen yhtheiskuntaa maholiseksi. Sie piät teklareerata ette verosta tullaa oikea. Sie piät teklareerata sinun sisäletuloja viimisthoons 2 toukokuuta. Sie saat teklarasuunin postissa elikkä sinun tikitaahliin preiviloohvaan.

Met Verotoimistossa saama informasuunia usseimista sinun sisäletuloista. Esimerkiksi sinun työnantajalta, pankolta elikkä Försäåkrinkikassalta. Sen takia nämät sisäletulot oon jo teklarasuunissa jonka sie saat meiltä.

Näin sie teklareeraat: Ala tarkastamhaan ette kaikki tiot oon oikeat. Jos kaikki oon oikeat, ja sie et halvaa tehä mithään muutoksia elikkä lissäyksiä, sie saatat hyväksyä teklarasuunin pankko-id:lä elikkä kootila jotka sie olet saanu paperiteklarasuunissa. Sie tehet sen helposti Verotoimiston apissa. Sie saatat kansa teklareerata sms:aamalla, soittamalla, käyttämällä e-palvelua elikkä lähättämällä paperiplanketin meile.

Oleks myyny asunon elikkä aksieita, elikkä oleks yrittäjä? Silloin sie tarttet itte muuttaa elikkä lisätä tietoja teklarasuuhniin.

E-palvelussa met olema valmistanheet sulle liitheen jossako paljon tietoja oon jo täytetty. Jos sulla oon oikeus tehä aavtraakia kostanuksista, esimerkiksi reisuista töihiin ja sieltä pois, sie piät itte lisätä tiot sinun teklarasuuhniin.

Muista ette ensinä tarkastaa sääntöjä aavtraakille niin ette se tullee oikein jo alusta asti.

Ko sie olet teklareeranu met menemä läpi sinun tietoja ja räknäämä ulos sinun lopulisen veron. Ko met olema valhmiit sie saat sinun loppuveroilmotuksen. Siinä sie näet jos sie saat tuloveroja elikkä maksaa rästiveroja.

Sie, joka piät saaja rahhaa takashiin, saat net suohraan sinun pankkokonthuun jos sie olet ilmottannu sen meile.

Jos sie piät maksaa sie tehet sen Verptomiston pankkojiihruun elikkä Swish:ilä. Lissää informasuunia teklarasuunista sie löytä osotheela: [skatteverket.se/deklaration](https://skatteverket.se/deklaration).

## Jos sie tarttet syvenettyä informasuunia teklarasuunista

Muila sivuila osotheela: [skatteverket.se](https://skatteverket.se) oon syvenettyä informasuunia sisäletuloteklarasuunista. Sitä oon vain ruottiksi ja joskus englantinkielelä.

Jos sie tarttet perustheelista informasuunia ja sie et käsitä sitä ruottalaista elikkä englantinkielistä tekstiä sie olet tervetullu käyhämään palvelukontturissa elikkä soittamhaan Verotiethoon 0771 567 567.

- [Osotheita palvelukontturhiin \(ruottiksi\)](#)

## Kontakta oss

[0771-567 567](tel:0771-567567)

- [Kontakt och öppettider](#)

## Hitta snabbt

- [E-tjänster och blanketter](#)
- [Jobba hos oss](#)
- [Om webbplatsen](#)
- [Kakor \(cookies\)](#)
- [API:er och öppna data](#)
- [Rättslig vägledning External link.](#)
- [Behandling av personuppgifter](#)
- [Facebook](#)
- [X \(tidigare Twitter\)](#)

## Aktuellt

### [Därför kan din flyttanmälan dra ut på tiden](#)

Det finns olika anledningar till att handläggningen av en flyttanmälan kan dra u...

### [Grönt avdrag för batterier](#)

Skatteverket har publicerat ett nytt ställningstagande gällande skattereduktion ...

### [Betala din kvarskatt senast 12 juli om du fick besked i april](#)

Den som fick sitt skattebesked i april och har skatt att betala ska göra det sen...

- [Fler nyheter](#)

---

Tillsammans gör vi samhället möjligt

[Hoppa till innehållet](#) [Om webbplatsen, tillgänglighetsinformation](#) [Startsida](#) [Direkt till nyheter](#) [Sökfunktionen](#) [Frågor och svar](#) [Direkt till kontakta oss](#) [Så behandlar vi dina personuppgifter](#) [Direkt till teckenspråk](#) [Direkt till other languages](#)

Skatteverket

[skatteverket.se](https://skatteverket.se)

[Till toppen](#)